

治人事天莫若武唯武是以早伏早伏謂
之重積德重積德則无不克无不克莫知其
極能知其極可以有國有國之母可以長久
是以深根固蒂長生久視之道

六十字

治大國若烹小脔以道莅天下其鬼不神非
其鬼不神其神不傷人非其神不瀆人聖人
亦不傷人夫兩不相傷故得交歸

世七字

大國者下流天下之郊天下之郊兆常以靜
勝壯故大國以下小國則取小國小國以下
大國則衆大國故感下而取或下而衆夫大
國不過欲兼畜人小國不過欲入事人夫兩
者各得其所欲故大者宜為下

八十字

道者萬物之奧善人之寶不善人所不保美
言可以市尊行可以加人人之不善棄棄之
有故立天子置三公雖有拱之辭以先四馬
不如坐進此道古之所以貴此道者何不曰
求以得有罪以免故為天下貴

八十字

為无為事无事味无味大小多少報怨以德
為難於易為大於細天下難事必作於易大

事必作於小失輕諾必寡信多易必多難是以聖人猶難之故終无難

六十一字

其安易持其未易也謀其難易破其微易散為之於未有治之於未亂合抱之木生於蟄末九重之臺起於累土百日之高起於足下為者敗之執者失之是以聖人无為故无敗无執故无失民之從事常於幾成而敗之慎終如始則无敗事是以聖人欲不欲不肯難得之貨學不學脩衆人之所過以輔萬物之

自然而不敢為

百小五字

古之善為道者非以明民將以愚之民之難治以其知故以智治國國之賊不以智治國國之德知此兩者亦指式常知指式是謂玄

德玄德深遠與物又然後迺至大怕

六十五字

江海所以能為百谷王者以其善下之故能為百谷王是以聖人欲上民以其言下之欲先民以其身後之是以處上其民不重處前而民不害是以天下樂推而不厭以其无爭故天下莫能與之爭

七十六字

天下皆以我大不咲夫唯大故不咲若咲久
其小我有三寶寶而持之一曰慈二曰儉三
曰不敢為天下先夫慈故能勇儉故能廣不
敢為天下先故能成器長今敵具慈且勇敵
具儉且廣敵其後且先死矣夫慈以陳則攻
以守則固天將救之以慈衛之

九十字

古之善為上者不武善戰不怒善勝敵不爭
善用人為下是謂不爭之德是謂用人之力
是謂配天古之極

四十一字

用兵有言吾不敢為主而為客不敢進寸而
退尺是謂行无行攘无臂執无兵仍无敵禍
莫大於侮敵侮敵則幾亡吾寶故抗兵相若
則哀者勝

五十五字

吾言甚易知甚易行天下莫能知莫能行言
有宗事有君夫唯无知是以不吾知和我者
希則我者貴是以聖人被褐懷王

四十七字

知不知上不知知病是以聖人不病以其病
病是以不病

廿二字

民不畏威則大威至无狹其所居无嚴其所

生夫唯不厭是以不厭故聖人自知不自見
自愛不自貴故去彼取此

此四字

四四

勇於敢則然勇於不敢則活此兩者或利或
害天之所惡熟知其故天之道不爭而善勝
不言而善應不召而自來不言而善謀天網
恢恢疏而不失

此五十七字

民常不畏死奈何以死懼之若使常不畏死
而奇者吾誠得而然之熟敢常有司然者然
夫代司然者是代大匠鄧夫代大匠希不
傷其手

此五十四字

人之飢以其上食稅之多是以飢百姓之難
治以其上有為是以不治民之輕死以其生
生之厚是以輕死夫唯无以生為者是賢於

貴生

此五十一字

人之生柔弱其死堅強萬物草木生之柔脆
其死枯槁故堅強者死之徒柔弱者生之徒
是以兵強則不勝木強則共故堅強居下柔

弱處上

此五十四字

天之道其猶張弓高者抑之下者舉之有餘

者損之不足者與之天之道損有餘補不足
人道則不然損不足奉有餘孰能有餘以奉
天下唯有道者是以聖人爲而不恃成而不
處其不欲示賢七十
四字

天下柔弱莫過於水而攻堅强者莫之能先
其几以易之故柔勝剛弱勝強天下莫不知
莫能行是以聖人言受國之垢是謂社稷主

受國不祥是謂天下王正言若反六十
四字

和大怨必有餘怨安可以爲善是以聖人執
左契不責於人故有德司契无德司撤天道
無親常與善人四字

小國寡民使有什伯之器而不用使民重死
而不遠徙有舟輿无所乘之有甲兵无所陳
之使民復結繩而用之甘其食美其服安其
處樂其俗隣國相望雞狗之聲相聞使民至
老不相往來七十
三字

信言不美美言不信知者不博博者不知善
者不辯辯者不善聖人无積既以爲人已愈
有既以興人已愈多天之道利而不害聖人

之道為而不爭

五十七字

道經卅七章二千一百八十四字

德經卅四章二千八百一十五字

五千文上下二篇合八十一章四千九百九十九字

太極左仙公序徐師定河上真人章句

老子以元極元年七月甲子日將度湖關令尹喜

暫首再拜小令好舉長生欲從明君受一言之書无

子曰善哉予之間也吾道甚遠不可妄傳主道

入腹神明皆存百節開孔六甲個連排個身中

錯綜九端胎息守中上與天連行之上仙拜為真

人傳不得法殃及其身身死石城下流于孫令

謹太歲甲寅正月庚申朔廿二日辛巳沙州

燉煌縣龍勒鄉常安里清信弟子李无上年

廿七歲具依明耕詣師中岳先生張

受道德五千文循行供奉永為身寶斷金

為盟遠跡負誓幽室長之不敢有言